

BOSNA I HERCEGOVINA  
Federacija Bosne i Hercegovine  
KANTON SARAJEVO  
GRAD SARAJEVO  
GRADONAČELNIK



Grad Sarajevo  
City of Sarajevo

BOSNIA AND HERZEGOVINA  
Federation of Bosnia and Herzegovina  
CANTON OF SARAJEVO  
CITY OF SARAJEVO  
MAYOR

Broj: 01-05-4963-1/17  
Sarajevo 01.11.2017. godine

GRAD SARAJEVO  
GRADSKO VIJEĆE  
n/r Igor dr. Gavrić, Predsjedavajući

Bosna i Hercegovina - Federacija Bosne i Hercegovine

Kanton Sarajevo - GRAD SARAJEVO

GRADSKO VIJEĆE

03-11-2017

PRIMLJENO:			
Org. jed.	Broj	Priloga	Uspjednost
01-05	1720/17		JS

**Predmet:** Žalba na Rješenje, dostavlja se

Poštovani Predsjedavajući,

Postupajući u skladu sa članom 235. Zakona o upravnom postupku ("Službene novine Federacije BiH" br. 2/98 i 48/99), a nakon ispitivanja da li je žalba dopuštena, blagovremena i izjavljena od ovlaštene osobe, dostavljamo Vam žalbu Elvira Hadžiahmetovića na Rješenje o ovlaštenju za korištenje pečata broj 01-05-4963/17 od 04.10.2017. godine, na dalje postupanje.

Gradonačelnik Grada Sarajeva

mr. Abdulah Skaka

Dostaviti:

- naslovu,
- spis
- a/a

Adresa: Hamdije Kreševljakovića 3, 71000 Sarajevo, Bosna i Hercegovina  
Tel: +387 33 208 340, +387 33 443 050; Fax: +387 33 208 341  
e-mail: grad@sarajevo.ba; web: www.sarajevo.ba



EYOF 2019

Sarajevo & East Sarajevo

**GRAD SARAJEVO**  
**Gradska uprava**  
**n/r gradonačelnik mr. Abdulah Skaka**

- Za Komisiju za drugostepeno upravno rješavanje Gradskog vijeća Grada Sarajeva -

**PREDMET: Žalba na Rješenje br. 01-05-4963/17 od 04.10.2017.**

U skladu sa Poukom o pravnom lijeku iz Rješenja o ovlaštenju za korištenje pečata br. 01-05-4963/17 od 04.10.2017. (u prilogu), a koje mi je uručeno 19.10.2017. izjavljujem žalbu na ovo Rješenje.

Žalba se odnosi na tačku 1. Rješenja u kojoj je pored mog imena i prezimena upisana pozicija radnog mjesta– pomoćnik gradonačelnika za europske integracije i EU fondove, a koju ja ne vršim. Naime, Rješenje br. 01-34-4837/17 od 28.09.2017., a kojim se postavljam na pomenuto radno mjesto nije pravosnažno i ne mogu obavljati poslove tog radnog mjesta, a samim tim ni koristiti ovlaštenja koja se crpe iz te pozicije.

Obrazloženje:

U skladu sa članom 28. Stav 4. Zakona o državnoj službi Kantona Sarajevo (Službene novine Kantona Sarajevo 31/16) izjavio sam žalbu na Rješenje o postavljenju br. 01-34-4837/17 od 28.09.2017., koje mi je uručeno 2.10.2017. Odbor državne službe za žalbe FBiH zaprimio je Žalbu 13.10.2017.

U skladu sa članom 28. Stav 5. Zakona o državnoj službi u Kantonu Sarajevu žalba odlaže izvršenje Rješenja. U skladu s tim, Rješenje o mom postavljenju na radno mjesto pomoćnika gradonačelnika za europske fondove i EU integracije nije pravosnažno dok Odbor državne službe za žalbe ne riješi žalbu. Iz tog razloga predlažem da Komisija za drugostepeno upravno rješavanje Gradskog vijeća Grada Sarajeva poništi ovo Rješenje u dijelu na koji izjavljujem Žalbu.

Sarajevo, 24.10.2017.

**Elvir Hadžiahmetović**



Prilog:

- Rješenja br. 01-05-4963/17 od 04.10.2017.

Dostaviti:

- Imenovanom
- Komisiji za drugostepeno upravno rješavanje Gradskog vijeća (putem gradonačelnika)
- a/a



Broj: 01-05-4963/17  
Sarajevo, 04.10.2017. godine

Na osnovu člana 76. stav 1. Statuta Grada Sarajeva ("Službene novine Kantona Sarajevo" broj 34/08 – prečišćeni tekst), te u vezi sa članom 2. Odluke o pečatima ("Službene novine Kantona Sarajevo", broj 20/00) i članom 5. Pravilnika o pečatima organa uprave i Stručne službe gradonačelnika Grada Sarajeva, broj: 01-05-4963/17 od 04.10.2017.g., gradonačelnik Grada Sarajeva, donosi:

**RJEŠENJE**  
**o ovlaštenju za korištenje pečata**

1. Safetu Krajišniku,, sekretaru Gradskog vijeća, Dragani Solaković, pomoćniku gradonačelnika za lokalnu samoupravu i razvoj Grada, Amini Deljković, pomoćniku gradonačelnika za obrazovanje, kulturu, sport i mlade, Ameli Kolovrat, pomoćniku gradonačelnika za finansije, Elviru Hadžiahmetoviću, pomoćniku gradonačelnika za evropske integracije i EU fondove, Džemalu Krupaliji, glavnom inspektoru, Vahidinu Omanoviću, internom revizoru daje se ovlaštenje da u ime gradonačelnika Grada Sarajeva mogu potpisivati službene akte iz svoje nadležnosti, odnosno iz nadležnosti službe kojom rukovode, a kojim se vrši prepiska sa drugim organima, pravnim i fizičkim licima.
2. Lica iz tačke 1. ovog rješenja, uz svoj potpis, imaju pravo koristiti pečat kojim se potvrđuje autentičnost akta iz njihove nadležnosti.
3. Pečat, iz tačke 2. ovog rješenja, ima prečnik 50 mm i označen je rednim brojem 2 (dva), a sadržaj istog utvrđen je u Odluci o pečatima.
4. O potpisanim službenim aktima iz svoje nadležnosti, vodi se posebna evidencija, koja se dostavlja gradonačelniku na uvid jednom mjesечно.
5. Pečatom, iz tačke 2. Rješenja, rukuje i upotrebljava ga, shodno njegovoj svrsi, službeno lice koje posebnim rješenjem ovlasti gradonačelnik.
6. Ovlaštenje dato ovim rješenjem, daje se na neodređeno vrijeme.
7. Donošenjem ovog rješenja stavlja se van snage Rješenje o ovlaštenju za korištenje pečata, broj: 01-05-3022/15, od 15.05.2015. godine.



*Ispravljeno 19.10.2017. / 19-10-2017*

**Obrazloženje:**

U skadu sa ovlaštenjem iz člana 76. stav 1. Statuta Grada Sarajeva, kojim je, između ostalog, propisano da gradonačelnik donosi pojedinačne akte, te u vezi sa članom 2. Odluke o pečatima kojom su utvrđeni organi i službe Grada Sarajeva koji imaju pravo na pečat, kao i u vezi sa članom 5. Pravilnika o pečatima organa uprave i Stručne službe gradonačelnika Grada Sarajeva, kojim je propisano da se pečat prečnika 50 mm, označen rednim brojem 2 (dva), koristi uz potpise sekretara organa uprave, sekretara Gradskog vijeća, rukovodioca Stručne službe gradonačelnika, glavnog inspektora i internog revizora odnosno lica koje ovlasti gradonačelnik, a vodeći računa o potrebi blagovremenog i efikasnog obavljanja poslova u Gradskoj upravi Grada Sarajeva, riješeno je kao u dispozitivu rješenja.

**Pouka o pravnom lijeku:**

Protiv ovog rješenja dozvoljen je žalba, u roku od 15 (petnaest) dana od dana prijema istog, Komisiji za drugostepeno upravno rješavanje Gradskog vijeća Grada Sarajeva, putem gradonačelnika Grada Sarajeva.

Dostaviti:

- Imenovanima,
- a/a.

**Gradonačelnik**

**mr. Abdulah Skaka**

